

9555
THEMATA *No 170.*
EX
MATERIA PIGNO-
RVM ET HYPOTHE- *1618, 1*
CARVM.

Quæ

D. O. M. A.

Decreto & auctoritate Nobilissimi, &
Amplissimi J Ctorum Ordinis, in
illustri Rauracorum

Academia,

Pro summo gradu in utroq; Jure, honoribus &
privilegiis Doctoralibus conse-
quendis,
Publica disquisitioni subjicit

LEONHARDUS Beckman/
Lippia-Westphalia,
Ad diem 17 Aprilis, Anno post salutem reparatam
M D C X V I I I.



BASILEÆ,
Excudebat JOH. JACOBUS GENATHIUS,
Acad. Typographus.

ОИГАНОВИМ

АНТОНИ ТАКУИ

МУЗЫКА

ДАМОД

ОДИНАКОВАЯ

СОЛНЦЕВАЯ



THEISIS I.

QUONIAM pro ratione temporis themata quædam, ex famosa & practicabili pignorum & hypothecarū materia publicæ disquisitioni subjicere in animum induxi, vera methodus me docet primò paucis delineare, quænam horum vocabulorum differentia, quævæ convenientia, & quomodo tam in textib. juris nostri quam ab interpp. juris tum propriè tum impropriè acceptentur.

2. Et propriè loquendo, pignoris appellatione ea res cōtinetur quæ simul etiam traditur creditori, maximè si mobilis sit. At ea quæ sine traditione nuda cōventione tenetur, propriè hypothecæ appellatione continentur. *Item Serviana 7. in fin. Inſt. de Action.*

3. Pignoris autem vocabulo impropriè sumpto, non minus super re immobili potest constitui pignus quam hypotheca. *I. locum. 2. ſ. ult. ff. de Relig. & ſumpt. funer.*

4. Et hoc respiciens *J. Cetus Marcianus in l. s. §. 1. ff. de pign. & hypoth.* inter pignus & hypothecam tātū nominis sonum differre dicit. Unde Duaren. *in commun. iur. 7. lib. 13. ff. c. 1.* attestatur subtilem hanc soni differentiationem non tantum à *J. Cetis*, sed nec etiam à præcipuis authoribus linguae latīnæ attendi: idem dicit *Sichard. sup. Rubr. C. de pign. & hypoth. n. 9.*

5. Præcipue cùm quantum ad hypothecariā actionem nihil referat inter pignus & hypothecā. *d. g. item Serviana 7.* Imò appellationes actionum exinde de-



scendentium passim in Legibus confunduntur, ut sæpius pro hypothecaria pignoraticia & vice versa nominetur, l. 16. §. 2. & 3. ff. de pign. l. 3. §. 3. ad Exhibend.

6. Et sic in jure utrum res pignori, vel hypothecæ obligetur, nihil interest utrum tradatur sine nō, dummodo convenerit ut sit pro debito obligatā. d. §. item Serviana. & l. 1. ff. de pign. act.

7. Negotium nobis minimè hīc faceſſit; quod vulgo objicitur: Ex solo pacto ſine stipulatione non nasci actionem; item quod in §. ult. Inst. quib. mod. re contrah. obl. pignus numeratur inter contractus qui re cōtrahuntur, ad quæ in diſcurſu cum Duareno ſup. d. lo. respond.

8. Duplicē tamen differentiam si lubet poteris videre, ad duplicē effectum inter pignus & hypothecā traditam; & conventione abſq; traditione constitutam, apud Gothofr. in not. ad l. 5. §. 1. ff. de pign. & hypoth.

9. Et ſic viſo nomine ad nominatum ut deveniamus, videamus ſpecies pignoris, quæ vulgo ponuntur tres, teste Wefenb. in par. hic. quarum 1. eſt prætorium, quod prætor decreta miſſione poſſeſſioneque bonorum inducit, ut i. t. de prætor. pign. 2. Judiciale captis à judice pro re juſdicata pignoribus, per t. t. ff. de Re Juſ. 3. Conventionalē quod conſensu & conventione cōſtituitur, ut in l. 1. ff. de pign. act.

10. Et quamvis Wef. in par. hic. cum Cuja. judiciale pignus prætorio includat; quibus accedit Sichard. iii. C. de pign. & hypoth. in Rubr. n. 14. dicens quia propter vicinitatem, ſæpè prætorium pignus ſumatur pro judiciali & ē diverso: ideò motum eſſe Imperatorem in l. 2. C. de pign. præt. duo tantum genera pignorum cōſtituere, prætorium nimirum & conventionalē, & ita prætorio judiciale inclusiſſe.

ii. At-



11. Attamen non minimam adhuc esse differen-
tiam inter judiciale & prætorium pignus, evincitur ex
eo quod nimurum pignus prætorium datur nulla sen-
tentia præcedente, ex primo decreto ob contuma-
ciam rei: judiciale autem semper requirat præceden-
tem sententiam; & pro executione sententiæ quod à
judice datur id vocatur pignus judiciale *teste ipso Si-
chard.lo.all.* Imò ex diversis Rubr. diversorum tit. C. ut
de prætorio pignore. item. C. si in causa adjudicati, &c.

12. Nec Imperator in l.2. sup. all. tradere divisionē
pignorum sive hypothecarū instituit, sed duo genera
pignorum ex tribus inter se exæquat prætorium &
conventionale, ut sicut creditor si conventionalis pi-
gnoris possessionem amiserit, ad eam recuperandam
actionem habeat in rem: sic id persequi licere ac vin-
dicare quod à magistratu datum est. *Don.in tr. de pign.*
c.3.in fin. Qui in tit. C. de præt.pign.sibi contrarius afferit
in l.all.2. duplex pignus Imp. constituisse.n.3.

13. Concedo tamen *cum Hunn.in tract. V. ar. resolut.*
part.5. quest.3. prætorio pignore generaliter sumpto,
judiciale tanquam species quædam posse includi, non
tamen cum eo planè idem esse.

14. Porro pignoris vocabulo generaliter sumpto,
rursus duplex Dd. faciunt, expressum vel tacitum. Ex-
pressum quod aut per conventionem aut citra eam
constituitur.

15. Per conventionem constituitur pignus, quan-
do quis paciscitur; ut res suæ propter aliquā obliga-
tionem præcedentem, alteri sint pignori obligatæ. *L.*
contrahitur.4.ff.de pignor. & hypoth.

16. Et sic quia pignus est accessoriū quoddā prin-
cipialis obligationis, sequitur ubi principialis obligatio
non tenet, nec pignus teneri. *L.nihil dolo 129. ff.de R. J.*

17. Ubi autem in accessorio non est eadem ratio
quæ in principali, accessorium tenet, licet principale
sit invalidum, *ut in casu leg. & si is. C. de prædiis minor.*
non alienand. ibi enim tutor vendit prædium minoris
sine decreto, & pignus pro evictione præstat, obliga-
tio principalis per sententiā judicis rescissa est, pignus
autē emptori à curatore constitutū nihilominus ma-
net obligatum, ita ut ab emptore jure persequi possit.

18. Conventionale pignus est vel generale, quod
est omnium indistinctè bonorum, tam futurorū quam
præsentium, vel speciale, quod est certæ alicujus rei.
Wef. in par. hic. n.3.

19. Notandum tamen cum sic specialiter aliquid
datum est pignori per consequentiam etiam illa quæ
ei rei postea accesserint, itemq; inde nata profecta ve
fuerint, in obligationem pignoris venire, *I. 13. itemq; I.*
si fundus ff. de pignor.

20. Verbi generalis hæc est vis sicuti indefinitæ
locutionis, ut quoniam in genere species omnes eo
continentur, etiam omnes res sub verbo generali, tam
arctè tacitè comprehenduntur, quam si singulæ spe-
ciatim expressæ essent, *arg. I. 23. ff. de servit. urb. præd.*

21. Exceptis tamen his omnibus, de quibus verifi-
milè est, illas debitorem specialiter pignori non fuisse
daturum, *I. obligatione 6. ff. de pignor.* utputa quæ in usu
sunt quotidiano necessariæ, & que ad affectionem de-
bitoris pertinent, quænam autem istæ sint habentur
in I. deniq. d.t.

22. Nisi fortè isto tempore quo debitor omnia sua
oppignorat bona, præter has res supra d. nullas ha-
buerit in bonis, hoc enim casu quia obligatio alias fo-
ret inutilis, id agendum est, ut videatur obligatio ali-
quid egisse, *arg. I. quotiens 80. ff. de verb. obl.*

23. Ci-



23. Citra conventionem constituitur pignus aut testamento, cùm testator rem aliquam suo creditori pignori esse jubet. *l.26. ff. de pignor. act.* aut autoritate magistratus, per l. *hanc all. & per tit. de Re Jud. itemper tit. C. de pign. præt.*

24. Diximus breviter de expresso, sequitur tacitum, quod & legale dicitur, quod neq; ex conventione partium, neque à judice, verùm ex dispositione legis aut statuti tacitè constituitur.

25. Et primùm eo jure utimur, ut quæ in prædia urbana inducta illataque sunt, pignori obligata esse creditantur, quasi id tacitè convenerit. *l.4. ff. in quibus caus. pign. vel hypoth. contrah.*

26. In rusticis prædiis contrà observatur. *l.4. ibid.* Ratio diversitatis datur in *l. in prædiis. d. tit.* quia in his sufficit fructus pro pignore teneri, nisi voluntate, *b.e.* ex conventione aliqua, jure pignoris inferantur. *Wes. in par. ad d. tit. & t. t ff. de Salviano interd.*

27. Et hoc est quod dicitur in §.3. *Inst. de interd. in fin. Interdictū quoq; quod appellatur Salvianū adipiscenda possessionis causa comparatum est*, eoq; utitur dominus fundi de rebus coloni, quas is pro mercedibus fundi pignori futuras pepigisset. Ex hisce ultimis verbis patet, nisi de rebus præter fructus ex prædio perceptos, in prædiū rusticum à colono inventis, inter dominū & colonum ut pro pignore habeantur conventum fuerit, in illis tacitum pignus locum non habere, *quod idem sentit Donell. in tr. de pign. c. 4.*

28. Opponitur quidē *l. certi juris. 5. C. locati.* ubi dicitur pignoris jure teneri domino fundi ea quæ in rusticum prædiū voluntate & scientia ipsius inducta sunt, extra conventionem. Verùm respondet *Don. d. loc. vocabulum voluntatis & scientiæ esse interpretandum*

30



dum ex l. i. s. 2 ff. qui pot. in pign. & sumendum pro expressa conventione: verba enim semper sunt interpretanda ut aliquem effectum operentur, nihil autem operaretur, si vocabulum voluntatis hic pro nuda scientia acciperetur; ad obligationem enim inductorum nihil facit, quod dominus ea vidit aut scivit inferri in praedium rusticum. Et obligatio quae inter ignorantes non contrahitur, nec inter scientes alio modo potest contrahi quam si de illa conventum sit: Aliorum objectorum solutionem collatio dabit.

29. Potest hic queri, An' ne libri, vestes, itemque aliae res studiose necessariae & quotidianae ab illo in museum aut domum conductam introducatae, sint locatori tacite obligatae, ita ut pro mercede possint jure pignoris detineri? Negativa propter hanc rationem placet; quia tacitum non debet plus operari quam expressum; immo saepè expressa subsistunt, ubi tacita nihil operantur; ideoque quia in expressa obligatione bonorum non veniunt ea, quae quis in specie si cogitasset obligaturus non fuisset, uti supr. II. probatum, multò minus in hac obligatione legali pignoris ac tacita, veniunt ea quae pro ratione persona & qualitate, nemo in specie esset obligaturus. Concludo igitur cum Sichardo, Studiosos immigrantes in domos conductas, tacite quidem & provisione legis obligare omnia sua bona illata, attamen si locator vellet ipsis pignoris loco auferre vestem quotidianam itemque libros aut alias res sine quibus in Academias recte versari non possent, non debere audiri. *Et de hoc immerito dubitare Aretinum dicit Treutl. disp. 29. th. 4. circa fin.*

30. Provisione legis quoque tacitum constituitur pignus vel potius privilegio, Creditori mutuum danti ad refectionem ædificii in ipso ædificio ad quod sufficiente



ficiendum credidit. l.r. ff. in quib. caus pign. vel hyp. tac.
contrab. item l.11. §. solutam. ff. de pign. act.

31. Quod Accursius & Dd. vulgo extendunt quoq;
ad illos creditores qui ad navem aut ad res alias refi-
ciendas crediderunt; hac ratione, quia horum quoq;
pecunia salvam fecit navem, non minus quam istius
pecunia insulam, cuius pecunia insula est restitura.

32. Rectius autem inspicientes verba & mentem
SCTi in l.1. ff. d. lo. Don. in tr. de pign. c. s. item q. Treutl. par.
2. dis. 1. th. 6. lit. e. asserunt verba nominativi & expres-
sè tantum de creditore ad refectionem ædiū loquen-
tia in l.d. omnes alios mutuò dantes excludere.

33. Nam ubi eadem non militat ratio, ibi nec idem
jus deber constitui, ex Reg. juris tralatitia. Versatur
autem jam publica utilitas in ædificiis tuēdis sarcien-
disq; ne publicus deformetur adspectus, l. negotian-
di. C. de Aedif. privat. quod non est in nave aut in aliis
rebus in quarum refectionem pecunia creditā est. Et
in extēsione juris singularis, uti hoc est, expressus re-
quiritur juris textus, qui cum hīc deest, non video qua
ratione tam latē contra menteim legis extendi posse.

34. Opp. quidem Accursi l. interdum s. & l seq. ff. qui
potior in pign. Sed in his LL. non tractatur quomodo
navis obligetur pignori, sed ex iis quibus obligata est
diversis téporib. quis sit potior queritur. Potior au-
tē erit qui ad eam reficiendā aut extruendā pecuniam
credidit, dummodò quoq; expressa conventione ipsi
fuit obligata, quod dicitur expressè in l. quamvis 17. C.
de pign. qualege interpretatur Nov. 97. c. His consequens.

35. Singulare tamen est in pupillo, ex cuius pecu-
nia res est empta; huic enim tacita acquiritur hypo-
theca, in ipsa re ex nummis ipsius empta. l. idem q. 7. ff.
qui pot. in pign.

B



36. Bona etiam tutorum & curatorum tacitè pignori sunt obligata pupillis & minoribus pro tutelæ vel curæ officio. *l.fin. ff. in quib. causis.* Non modò pro malè gestis in officio, sed etiam pro non penitus gestis. *l.pro officio 20. C.de administr. tut.*

37. Item bona matris quæ convolat ad secundas nuptias, non redditis rationibus, nec petitio alio tuto-re, tacitè sunt obligata liberis prioris matrimonii, *l.2. C. quando mul. tut. off. fungi potest.* Imò etiam in bonis vitri ci liberos hoc casu tacitam habere hypothecam, *ibid. not at Goth. lit. R.*

38. Tacitam hypothecam quoque concedit Justi-nianus *in l. si mulier 11. C. de pactis convent.* mulieri in bonis mariti pro rebus paraphernalibus restituendis.

39. Sic marito tacitè obligata sunt omnia bona ejus, qui ipsi promisit dotem pro muliere. Econtrà mulie-ri omnia bona mariti pro restitutione dotis, jure taciti pignoris sunt obstricta. *l.un. §. Et ut plenius. C.de Rei uxoris act.*

40. Sunt quidem adhuc multi & variii casus, in qui-bus tacitè ex vi & potestate legis contrahitur pigno-ris obligatio, qui videri possunt per t.t. *in quib. caus. pi-gnus vel hypoth. contrah. itemq. ex Glossa & Dd. ibid. suf-ficit hic quosdam ex dignioribus poluisse.*

41. Quæri hic potest, An' ne res quæ secreto nexus provisio-ne legis tacitè tenentur possint liberè aliena-ri ante quam præcluduntur, hoc est, arrestantur? *We-semb. in par. ad tit. in quib. caus. &c.* affirmativam tenet per-textum expressum *l.etsi differentia 9. ff. d.lo. idemq. not at ibidem Gothofr.* Cum Schneid. tamen *§. item Ser-viana 7. Inß. de Act. n. 53.* æquior & verior mihi videtur sententia negativa. Nam aliàs tacita hypotheca ante inclusionem foret inanis & nullius effectus *contra legem*



gem eo jure 4. ff. in quib. causis, &c. Et frustrā nobis in iis
lex providisset, sin interim à domino liberè & quasi
absq; onere ante inclusionem alienari possent. Hanc
quoque sententiam tuctur l. 15. C. de pignorib. & hypo-
thecis, ubi dicitur debitorem nullo modo posse deter-
riorem facere creditoris conditionem. *itemq; l. 1. ff. de*
Salvin. interd. utilē actionem competere huic cui
res coloni tacitē sunt pignori obligatae, qua postea in
alium sint alienatae, ad repetendas eas ab extraneo. *In*
l. 2. Wef. all. planè deciditur casus specialis in libertate,
cujus ratione & favore, qui aliās magnus, servitacitē
obligati ante præclusionem absque onere manumit-
ti possunt. *Schneid. d. lo.*

42. Videndum nunc quæ res expressè pignori vel
hypothecæ obligari possint, vel non.

43. Et generaliter. Quæ res emptionem venditio-
nemque recipit, etiam pignorationem recipere po-
test l. sed etiam 9. §. 1. ff. de pign. & hypoth. l. 1. §. eam rem ff.
quare pig. vel hypoth. dat. oblig. non pos.

44. Cum mysterio autem (uti sonant verba ipsius)
hoc accipi vult *Sichard. ad Rubr. C. de pign. n. 31.* addens
vocabulum ferè. Sunt enim quædā quæ possunt ven-
di & tenet venditio, quæ tamen pignori dari non pos-
sunt. Et vendere possum rem alienam in quajus nul-
lum habeo, sed pignori dare non possum, nisi sciente
aut ratificante domino. *l. alia res 20. ff. de pignor. act.*
Ratio diversit. ea est; quia oportet in pignoris datio-
ne jus quoddam constituere accipienti, si igitur jam
pignus dans nihil dominii neq; juris in re habet ipse,
quo modo quæ ratione illud quod non habet in
accipientem transferet? *ex Reg. Nemo. de R. J.*

45. Res autem pignori vel hypothecæ datae obli-
gari non possunt omnes quæ sunt extra commercium

nōstrum, arg. l.1. §.2. ff. quāres pign. vel hyp. &c. uti res sa-
cræ, religiosæ, publicæ, quæ prohibētur pignori obli-
gari. l.3. C. de pign. Tres tamen casus excipit Sichard. d.
lo. quibus tam vendi quām oppignorari possunt, quos
ibi videre licet.

46. Nec in pignus dari possunt liberi homines.
Imo, quod magis est, & is qui accipit liberum homi-
nem, fortè filium alicujus, in pignus, punitur exilio, l.
ulti. ff. quāres pign. &c. summa tamen necessitate urgen-
te certis modis licitū est, ut l.2. C. de patr. qui fil. di strax.

47. Non inopportunè hīc queri potest: An repræ-
faliæ seu oppignorationes hominum liberorū ex alie-
no delicto, vel cōtractu fiant secundūm ius & equum:
Quidā non inferioris ordinis? Cti tam legibus quām
rationibus evincere conantur, sub quibusdam tamen
requisitis concurrentibus, quæ recenset Hunn. tract.
var. resol. p.5. quāst. 7. usum repræfaliarum, uti non no-
vitia consuetudine, sed à vetustissimis Romanorū le-
gibus introductū, sic jure & ex æquitate in imperio &
alibi adhuc usurpari recte posse. Verūm hisce requisi-
tis etiam in unum concurrentibus nō video quomo-
do contra regulam juris & justitiæ firmissimam quæ
est in l.13. §.1. C. de inoff. test. am. Neminem debere alte-
rius odio prægravari; hæ pignorationes in honestæ
& odio dignæ, uti illas appellat Imp. in Auth. non fiant
pignorat. pro aliis perf. Nov. 52. in prefat. jure aut æquita-
te defendi possint. Et quia nullam rationem habet
alium esse debitorem, alium verò exigi, d.lo.o.1. con-
cludo cum Gail. lib. sing. de pignorat. obf. 2. n.2. Repræfa-
lias nullo jure nullaque æquitate munitas in imperio
non esse ferendas. Nam grave est non solum legibus,
verūm etiam æquitati naturali contrarium pro alie-
nis debitis alios molestari, lun. C. ut nullus ex Vicari-

pro



pro alieno &c. Itaque hoc casu judex recte à præcepto incipere potest, & statim mandata sine clausula justificatoria pro relaxandis captivis decernere. *Gail.d.lo. obs.3.n.9.* Una enim iustitiae lex ita est tuenda ut interim altera non violetur. Et sic non est juvandum commodum publicum (cujus tamen maxima perturbatio est) ut proximus ex eo lèdatur. §. præcepta. *Inst. de just. & jur.* Quænam ad c. dominus noster, itemq; ad alia objecta respondenda erunt collatio dabit.

48. Jus quoque ususfructus nec vendi nec oppignerari potest, facultas autem utendi-fruendi quia vedi potest, *I. non unitur 38. ff. de ususfr.* etiam invito proprietario oppignerari potest. *I. si is qui 11. §. 2. ff. de pign.*

49. Servitutes reales an pignori dari possint, quæritur? *Sichard.d. lo. n.20.* in urbanis expressè negat, in rusticis affirmat: rationē diversitatis *ibid.* addit. quæ distinctio expressè videtur firmata in *I. II. §. ult. & I. seq. 12. ff. de pignor.*

50. Verum strictum jus si inspicere velimus, dicendum cum *Duaren. in disp. suis anniver. lib. 2 c. 13.* itemque cum *Don. tract. de pignor. cap. 10.* pignoris obligationem neque in rusticis neque in urbanis servitutibus subsistere; servitus enim ad tempus constitui non potest, *I. 4. ff. de servitus.* nec locari potest. *I. 44. ff. locati.* Nec sine prædiis servitutes reales constitui possunt. *I. 15. de servit.* Et sic quia prædictis cohærent, *I. unus. 34. ff. ibid.* certè eas in creditorē transferre, nisi pignorato fundo, debitor nullo modo poterit. Imò frustrà fieret talis conventio, ubi creditor à debitore hypothecam avocare nunquam posset. propter utilitatem autem sicuti in multis aliis ita etiam in his admittitur, *in fin. I. sed an via. ff. de pignor.* Et sic loquitur Paulus] Crux non de servitute quæ fundo jam acquisita est, sed quæ

titulo pignoris quodammodo constituitur à Domino prædii tamdiu donec fuerit exsoluta pecunia, quam debet creditori, & hoc propter contrahentium utilitatem. Martianus autem §. all. loquitur de servitute jam constituta & acquisita prædio (sic enim habent verba : *Jura prædiorum urbanorum pignori dari non possunt.*) quam is cui debetur ex alio prædio nō potest in pignus dare. Et sic hæc responſa uti sunt diversorum Iurorum, & sicuti diversimodè interrogati sunt, diversa sunt. Et adversativa particula *Sed*, quā utitur Paulus, nos docet ipsa quidem jura quæ in alienis prædiis nobis debentur, pignori dari non posse, in nostro autē ea constitui posse ut pignoris loco sint. Et quicquid hic apud utrumq; Iurum sub appellatione servitutum vel urbanarum vel rusticarum affirmatur, exempli cauſa de hisce servitutib. dictum est, ut sit differentia in constitutionib. non in genere servitutum. *Vide autores sup. d. loc. all.*

51. Ac quoniam ex Regula vulgata; Nemo plus iuri in alium transferre potest quam ipse habet: Nullus etiam rem validè pignori obligare potest, quam qui de ea re jure suo disponere potest. Pignus enim rem afficit, nemo autem hoc nisi dominus rei vel quasi efficere potest.

52. Pignorare igitur & possunt ii qui utile tantum dominium vel quasi habent, sicuti is qui vectigale prædiū habet, itemq; superficiarius, l. 16. §. ult. ff. de pign. act. salvo tamen jure directi domini. l. 31. ff. de pign.

53. Imò cùm hic domini voluntas & factum requiratur, nihil interest dominus ipse fecerit an aliis ex ipsius voluntate & mandato. l. solutum. §. 5. ff. de pignor. act.

54. Cui igitur libera bonorū administratio commissa



missa est, rem illam quam dominus alias fortè pignori
obligasset, nomine ipsius rectè pignori dat. l.12. ff. de
pignor. act.

55. Legitimas pactiones pignus quoque recipit,
uti est pactum in l.39. ff. de pignor. act. scil. pactum anti-
chresios: quod non semper, sicuti Canones volunt,
usurariam sapit pravitatem: Et etiam tum cum legitim-
um usurarum modum excedit, propter incertum
fructuum eventum tolerari potest, nec ob id rescindi
debet. l. si ea lege 17. C. de usuris. Vide Gail. 2. obs. 3. per tot.
Diss. Don. in tract. de usuris. per l. 1. §. pen. ff. de pign. cap. 4.

56. Pactum autem legis commissioriae tanquam ini-
quū & captiosū l. quoniā. fin. C. de pact. pign. merito à pi-
gnoris constitutione repellitur. Treut. vol. 2. diss. 1. b. 6.

57. Hic quæritur: Quidam pro ære modico, pre-
tiosa monilia creditori supposuit, hoc pacto: Nisi ante
vice summum Martii monilia pignori supposita luat,
ista creditor sibi tanquam commissa habeat, & huic
pacto se non contraventurum juramento confirmavit.
Jam debitor ob inopiam pecuniae ante diem nomina-
tum pignus non luit, posset ne postea juramento con-
travenire & pignus luere? Resp. Textus est expressus
in c. significante. Extr. de pign. ibid. Panorm. Juramentum
sicuti non debet esse vinculum iniquitatis, c. i. de jure-
jur. in 6. (in pacto autem hoc maxima versatur iniqui-
tas) ita nec hoc pactum iniquum & fiduciae Christianæ
contrarium potuisse juramento confirmari, quin
post diem, pecunia oblata, repeti possit. d. c. sign. itemq.
arg. l. Non dubium s. C. de legib. in fin.

58. De Actionib. videndum, quænam harum sint
proditæ circa cōtractum pignoris. Nam frustra essent
inventi cōtractus, ex quibus oriētur tanquā filiæ ob-
ligationes, nisi haberemus deinde actiones quæ sunt
tan-

130



tanquam contractuum executiones. *Sichard. ad tit. C.*
de pignor. Rubr. n. 32.

59. Et primò Serviana act. experitur quis de rebus Coloni, quæ pignoris jure pro mercedibus ejus fundi ei tenentur. Quasi Serviana, quæ & hypothecaria dicitur, Creditores pignora hypothecasque perse- quuntur. *ſ. item Serviana. 7. Inst. de Act.* Et hęc quia rea- lis est. *l. 18. C. de pign. item l. 17 ff. ibid.* competit credito- ri contra quemlibet possessorem etiam extraneum, *l. 13. §. 3. ff. de pignor.* imo & contra eum qui dolo desit possidere, ut pignus ab eo vindicet. *l. 16. §. 3. ibid.*

60. Jure autem novo antequam hypothecaria cō- traterium possessorem agatur, necessaria est excussio bonorum principalis debitoris simul ac fidejussoris, *auth. sed hodie. C. de Oblig. & Act.*

61. Nisi notoriè confit nec principalem, nec fide- jussorem esse solvendo, tunc enim excusio non foret necessaria. Et sic notorium licet non relevet ab onere allegandi, maximè tamenab onere probandi relevat. *Schn. ad ſ. item Serviana. Inst. de Act.*

62. Datur & Salvianum interdictum locatori con- tra conductores & ipsorum heredes directum pro a- dipiscendā possessione bonorum à conductore intro- ductorum, quæque ipſi pro mercedibus prædii pi- gnori futura pepigisset. *§. 3. Inst. de interdict.* Utile da- tur locatori contra extraneos possessores, qui rem pi- gnoratū à conductore habent. *l. 1. in pr. ff. de Salv. interd.*

63. Tutijs autem esse experiri Salviano interd. contra colonum vel etiam tertium possidētem, quām actione hypothecaria seu quasi Serviana docet *Schn. ad ſ. all.* Hęc enim est petitorii judicii quod ratione juris seu pignoris datur, in quo venit probandum rem tempore obligationis in bonis debitoris fuisse. *l. 15. §.*

2 ff.



2. ff. de pign. Illud datur ratione possessionis quam tunc temporis debitor habuerit quo creditori pignori dedisset, & nihil magis in hoc probatur quam rem illam pignoris nomine esse inductam, ut probat Wefem.
ex l. 1. ff. de Salv. interd. in par. ibid.

64. Hoc modo jam possessione rei oppignoratae assecuta, nihilominus solet aliquando frustrari debitor & solutionem extrahere, ideoque quia nulla ex hac possessione in creditorem redundat utilitas (fructus enim non lucratur. l. 1. & 2. C. de pign. act. & multis aliis LL.) & ne sic inutiliter pignus perpetuo servare cogatur creditor, conceditur ipsi pignoris distractio. Wef in par. ad tit. de distract. pignor.

65. Et 1. pactum certum de distrahendo pignore si sit adjectum, creditor ex conventione tanquam ex debitoris voluntate pignus distrahit; l. fin. §. 1. C. de jur. domin. impet. si non appositum, pro convento tamen habetur. l. si convenit. ff. de pignorat. act.

66. Verum quæritur; Jam si convenerit expressè, ne distrahatur res pignori data; anne tunc nunquam posset creditor debitore invito distrahere? Ulpian. in h. l. all. respond. Creditor hoc casu si distraxerit, furti obligatur; nisi ter denunciarit hoc debitori & ipse cesserat. Et sic illa conventione non obstante non tenetur creditor inutiliter perpetuo esse custos rei oppignoratae: haec enim pactio hanc conditionem tacite habet annexam; si debitor interpellatus solvat. l. 54. §. inter. i. ff. locati. Nec semper, nō solum in rebus emptis & venditis (inquit Pompon. in l. 6. §. 1. ff. de contrah. Empt.) sed etiā in rebus omnibus quæ consensu cōtrahuntur, non quod dictū, sed quod actum fuit est sequendum. Ideoq; non videtur inter illos actū esse ne omnino licet pignus distrahere, alioquin non esset pignus, ut-

C



pote cui jus distrahēdi inseparabiliter cohāret, *l.i.c.*
de pact. pign. in fin. sed ut ne liceat statim, aut post unam
& alteram fortē frustrationem debitoris.

67. Itaque si debitorter per justa intervalla interpellatus à creditore debitum non solvit, aut non integrè solvit (non nisi enim omni debito soluto pignus esse definit. *l. quandiu. C. de distract. pign.*) & sic tacitæ conventioni non stetit, nec creditor diutiū ipsi stare tenetur; sed exspectato adhuc post trinam denunciationem (*ex l. Justin. fin. §. 3. C. de jure dom. impetr.* & *ex opinione Dd. ibid.*) biennio, æquum est ut ipsi venditori pignoris distractio permittatur. *l. 4. ff. de pign. act.*

68. Solet autem in persecutione & distractione pignoris sçpè usuvenire, ut una res pluribus nonnquam reperiatur obligata, sciendumigitur uter alterius sit præferendus.

69. Ex regula autē generali potior est in jure pignoris cui prius res est obligata. *l. 8. & 10. ff. qui pot. in pign.*

70. Et hoc procedit sive generaliter sive specialiter res pignori sit obligata. Non minùs enim generali oratione res singulæ obligātur, quam si hoc de singulis specialiter esset conventū. *Don. tr. de pign. c. 14. p. 157.* Nec jus pignoris priori acquisitū per generalem obligationem, ipsi postea per specialem subsecutam, neque diminui, nedum in totum auferri potest, *per text. l. 6. C. qui potior. in pig. & vice versa, arg. l. 2. ff. eod. Gail. 2. obf. 25. n. 4.*

71. Sed hīc quæritur: Mutuatur aliquis rōc. à quodam, obligat ipsi domum suam & generaliter omnia sua bona; postea pro alio debito, secundo obligat specialiter fundum Tusculanum, utriq; interpellatus debitum non solvit; secundus persequitur hypothecam suam specialem, primus creditor hoc impedit, dicens
ip̄si



ipſi bona debitoris eſſe generaliter obligata, ergo & iſtum fundum, quem ipſe utēs jure ſuo perſequi velit, ex l. creditoris. 8. ff. de diſtract. pign. itemq. ex l. generaliter. ff. qui pot. in pign. Nec obſtat quod hoc interim ſpeciali creditori noceat, uti l. i. §. idem autem. ff. de Aqua pluv. arc. Verū respond. Impp. in l. quamvis. 2. C. de pignor. jurisdictionem hīc eſſe temperandam. Et fi certum eſt, poſſe priorem ex domo quā nominati ipſi pignori obligata eſt univerſum redigere debitum, ea quā poſtea ex eisdem bonis generalibus ſpecialiter pignori obligata ſunt, à ſecundo non debere auferri. ad ll. all. reſp. Sich. ad tit. C. de pign. n. 4. 5. 6. & ſeqq.

72. Ac reg. ſup. vulgaris tantum habet roboris in hāc materia, ut etiam privatū creditor habens hypothecam priorem, præferatur fisco, vel Republicā habenti posteriorem. l. iſ fundum. 4. C. qui pot. in pign.

73. Regulariter enim Repub. itemq; fiscus, etiam ipſe Imp. jure privatorum utuntur, nec in contractibus aliquam habent prærogativam, niſi poſſint de expreſſo privilegio ex aliqua certa lege docere. Sichar. ad l. 4. C. qui pot. in pign.

74. Propter favorē tamen personā ſāpē posterior præfertur priori ex privilegio ipſi à lege dato. uti tali privilegio præcipue gaudent hi qui impendunt in funus & exequias impensas utiles & neceſſarias pro modo facultatum & dignitatum defuncti. l. 12. §. 5. ff. de relig. & ſumpt. fun.

75. Et qui favor jure Pandectarum tantus eſt ut & iſti omnes alios creditores ſive privilegiatos ſive hypothecarios posteriores vel anteriores præcedant. l. 14. §. 1. ff. de Relig. & ſumpt. fun. item l. pen. in verb. Etiam omne creditum ſolet præcedere.

76. Imò eod. jure fortius eſt privilegium hoc quām



quod competit mulieri in repetitione dotis, l. 17. ff. de
reb. aut. jud. poss. ita ut hic in concursu cum muliere
quaे dotem repetit mulieri potior sit. l. 18. & 19. ff. de
Relig. & sumpt. fun.

77. Ac licet, ut diximus, jure ff. hic qui in impensas
funebres credidit, mulieri præferatur. Hoc tamen per
constitutionem Justiniani in l. aſſiduis. C. qui potior. in
pign. expressè esse abrogatum statuo cum *Don. in Com.*
Cod. ad d. leg. Et non sine ratione, nam duo vincula ar-
ctius ligant quam unum; ideoque quia funerarius cre-
ditor solummodo privilegio hoc habuit, non tacito
pignoris jure. Mulier autem & tacito pignoris jure, &
privilegio; Hæc merito illi præfertur.

78. Sic igitur mulier præfertur omnibus tacitam
hypothecam etiam anteriorem habentibus. An'ne
etiam hoc privilegio gaudeat in concursu creditorum
expressam priorem habentium, varie inter Dd. alter-
catur? *Pro neg. pugnat Don. loc. all. W. eſ. in par. n. 3. ff. qui*
pot. in pign. itemq. Gail. 2. obſ. 25. n. 10. cum multis aliis ab
ipſo alleg. ubi dicit, privilegium dotis uxori legis pro-
visione datum non debere excludere provisionem
hominis & expressam conventionem temporis præ-
rogativa firmatam; Et ita esse doti favēdum, ut interim
aliis injuria non fiat, *ut c. ex tenore. Extr. defor. comp.*
nec ab hâc opinione unquam suo tempore in Camera
fuisse recessum testatur idem ibid. Cui tamen expre-
ſè contradicit *Mynſ. cent. 4. obſ. 13. n. 4. & 5.* Et *Don. d. lo.*
22. 7. licet contrarium in d. lege aſſiduis. constitutum ef-
ſet; officium boni Principis requireret talem constitu-
tionem tanquam aperte in Principia juris impingen-
tem abrogare. Nulli enim mortalium jus suum auferē-
dum jusque vigilantibus scriptum esse. L. pupillus. in fin.
ff. qua in fr. aud. cred. alien. sunt.

79. Ve-



79. Verum pro affirmat. (in quam magis inclino) non solum militat textus generalis, qui generaliter intelligendus in d.l. assiduis. dicitur enim ibi, mulierem habere potiora jura contra omnes mariti creditores. Et licet statim addantur verba, licet sint anterioris temporis privilegio vallati. ex quib. Don. infert dicto loco, Sin his qui temporis privilegio sunt muniti mulier debet præferri, sequitur his no præferendam qui hypothecam suam habet non ex privilegio, verum ex jure communi, ex conventione scilicet. Cui respondendum, d. verba non esse tantum intelligenda de iis creditoribus, qui legis beneficio tacitam habent hypothecam, sed etiam de iis qui habent ex conventionali hypotheca prærogativam temporis, quod dicitur expressè in l. si & jure. 10. ff. qui pot. in pign. Verum etiam textus clari & rotundi in l. 30. C. de jure dot. idem probant, in verbis, Et neminem creditorum mariti, qui anteriores sunt, posse sibi potiorem causam in his per hypothecam vindicare, cum eadem res & ab initio uxoris fuerint, & naturaliter in ejus dominio permanserint, &c. item in Nov. 97. c. 3. ubi creditor refectoriae pecuniae omnibus omnino, etiam expressam anteriorem habentibus præfertur, huic autem adhuc in concursu præfertur mulier; quo igitur modo qua' ve ratione cōtra expressam habentibus ipsi denegari possit prælatio, non video: ex trita regula, Si vinco vincentem te, multò magis te vinco. l. 14. f. & si mihi. ff. de divers. & tempor. præscr. & hoc etiam propter verba Novella in fin. d.c. Minui autem mulieri dotem nullo modo sinimus. Ex Neotericis huic sententiae ad stipulatur Treusl. cum multis ibid. all. vol. 2. disp. 24. th. 7. Hūnn. in tract. Var. resolut. Jur. Civilis, lib. 3. par. 5. quest. 4.

80. Non inconvenienter hic etiam queri videtur:

An'ne hoc jus prælationis competens mulieri, in repetitione dotis quoque competitat ejus heredibus? In herede extraneo nullum esse puto qui affirmet. In liberis controvertitur. Et sunt, qui velint in illis privilegium matris continuari, propter verba *l. aſiduſ. C. qui pot. in pign.* quibus Imp. dicit se mulieris liberis similem servare prærogativam. itemq. arg. l. 12. ff. *solut. matr.*

81. Verum cefante caufa finali privilegii mulieri ab Imperatore concessi, cefat quoque privilegium ipsum. Jam autem in liberis heredibus cefat ista caufa privilegii finalis, qua fuit, ut respectu dotis vidua eō citius rursus invenirent maritos, civitatesque legitima sobole implerent *Sich. ad l. all. n. 4.* in Reip. utilitatem; privilegio igitur matris in concursu uti non possunt.

82. Aclicet maximè Affirmat. opin. in favorem liberorum hic subscriberemus, nihil tamen favor hic posset contra text. juris expressum *in ſ. fuerat. Inſtit. de Act. in verbis: Preferri autem alia creditoribus in hypothecis tunc censiimus, cum ipsa mulier de dote sua experientur, cuius ſolius providentia hoc induxit.* Et ſic concludimus liberos ex privilegio matris, anteriores hypothecarios non posse in concursu repellere. Exceptis filiis anterioris matrimonii contra novercas, quibus pro dote matris ſuæ, jam pridem dedit hypothecam Imp. contra paternas res vel ejus creditores; in praesenti autem similem prærogativam ſervat, ne jus quod posteriori datum eſt uxori, hoc anteriori denegetur, &c. *d. l. aſiduſ. ſ. i. verſ. Exceptis. C. qui pot. in pig.*

83. Et licet adhuc circa hanc materiam variae quæſtiones ex variis modis quibus contractum pignus dissolvi in jure provifum eſt, poſſent proponi, itemque de actione pignoraticia directa & cōtraria pignore tandem ſoluto competentे. Verum anguſtia temporis
hic



hic filum, licet invitò, abrurapit, nec etiam in animum induxi hinc integrum hujus præsentis materiae tractatum proponere; sed solum ex illa eleganter & satis amplè tam à veteribus quām recentioribus 1Ctis tractata, quædam themata disquirendi gratiâ subjicere, quæ puto aliquot horarum discursui suffectura.

COROLLARIA.

I-

ACTIO ex nudo pacto, Jure Civili denegata, Jure
Canonico expresse datur.

2.

*Missus in realibus ex primo decreto absq; absurditate
missionem ex secundo decreto petere non potest.*

3.

Tantum valer cursus anni in realibus ex primo decreto, quantum in personalibus missio ex secundo.

40

Statutum dans jus retractus proximis cognatis quo ad bona immobilia avita vendita, ad quamlibet alienationem est interpretandum.

5.

*Neg. inter dictum adipiscenda neq; recuperanda pos-
sessionis cum petitorio. judicio in eodem libello potest cu-
mulari, in eum effectum, ut pari passu in judicio ambulent.*

6.

Femina ad successionem feudi ex speciali pacto vocata, tunc semel per masculum exclusa, postea etiam deficiente masculo non adjuvatur pacto de succedendo.

7. *Vas.*



7.

Vassallus Ligius qui juravit fidelitatem domino contra omnem hominem, recte & jure domino adfisit, etiam contra proprium patrem illegitimum bellum contra dominum gerentem.

8.

Si unquam quidam Imperatorum Romanorum veri Monarcha nomen habuit, & adhuc merito noster Imperator tale nomengerit.

9.

Puella quæ amoris astu ab amatore comprimitur,
jure, nullo modo statim meretrix
dicenda.

F I N I S.




Basel, Diss., 1616/30

Cx 261 2939)

W 17







THEMATA
EX
MATERIA PIGNO-
RVM ET HYPOTHE-
CARVM.

Quæ
D. O. M. A.
Decreto & auctoritate Nobilissimi, &
Amplissimi Fctorum Ordinis, in
illustri Rauracorum
Academia,

Pro summo gradu in utroq; Jure, honoribus &
privilegiis Doctoralibus conse-
quendis,

Publicæ disquisitionis subjici

LEONHARDUS Beckman/ Lippia-Westphalus,

Lippiâ-Westphalus,

Ad diem 17 Aprilis, Anno post salutem reparatam

M D C X Y I I I



BASILEÆ,
Excudebat JOH. JACOBUS GENATHIUS,
Acad. Typographus.